

K i n d e r d e l e g a t i o n e n  
am Sechseläuten 1986

---

<u>Zunft:</u>	<u>Delegationsteilnehmer:</u>	<u>Begleitende Mutter</u>
St. Niklaus	Stefan Zwahlen Jacqueline Zwahlen Roger Pristernik Thomas Pristernik	Frl. Esther Akermann
Schmiden	Chantal Rechsteiner Nicole Rechsteiner Kuno Rechsteiner	Frau E. Rech- steiner
Weggen	Gaby Mannhart Daniela Hugentobler Urs Rechsteiner	Frau H. Mannhart
Oberstrass	Perry Streit Saskia Streit Lukas Meier Christian Mohn	Frau E. Stadler
Witikon	Pascal Grünig Roland Krebs Claudia Dütschler Catherine Dütschler	Frau Ferrante
Letzi	Mark Roth Urs Schmid Miriam Jokl	Frau Bühler



Kinderdelegation Sechseläuten 1986

Teilnehmer: Gaby Mannhart                    Leitung: Frau H. Mannhart  
             Daniela Hugentobler  
             Urs Rechsteiner

---

Zunft zum Weggen:     Restaurant "Weisser Wind"  
                                 Oberdorfstrasse 20, 8001 Zürich

Hochgeachteti Herre Ehrezouftmeischer und Zouftmeischer,  
Sehr verehrti Herre Vorsteher, Zöiffter, Ehregesch und  
Gesch,

De Zouftmeischer, d'Vorsteher und Zöiffter vo de Zouft Schwa-  
medinge gratuliered Ihne, hochgeachtete Herr Zouftmeischer,  
zu Ihrer ehrevolle Wahl und wöisched Ihne en untrüebti Amts-  
ziit als Zouftmeischer und de ganze Zouft es untrüebts  
Sächsilüüte und en glungne Umridd ums Ffür hüt zabig.

D'Schwamedinger hoffed, dass die nette Kontakt, wos mit Ihre  
Vorgängere gha händ, au mit Ihne wiitergönd. Sie erinnered  
sich no gern en Bsuech wos s'letscht Jahr händ dörfe in Ihrer  
Stube mache. Sie hoffed, dass au Sie bald emale bi eus uf de  
Stube werded z'Bsuech si.

(Nachher dem Zunftmeister ein Päcklein mit "Schwamedingerli"  
übergeben).

---

Bitte am Montag, den 21. April 1986, um ca. 11.30 Uhr im  
Restaurant Du Pont die "Schwamedingerli" abholen.

9.4.86    WAR/uk

Kinderdelegation Sechseläuten 1986

Teilnehmer: Chantal Rechsteiner    Leitung: Frau E. Rechsteiner  
Nicole Rechsteiner  
Kuno Rechsteiner

---

Zunft zur Schmiden: Zunftthaus zur Schmiden  
Marktgasse 20, 8001 Zürich

Hochgeachtete Herr Zouftmeischer,  
Sehr verehrti Herre Vorsteher, Zöiffter, Ehregescht und  
Gescht,

De Zouftmeischer, d'Vorsteher und Zöiffter vo de Zouft Schwamedinge wöisched Ihne allne es untrüebts Sächsilüüte und vill gfreuti Bsüech uf Euere Stube hüt zabig.

Mir Schwamedinger händ s'letscht Jahr euses 10-jährig Jubiläum gfiired. Mir sind de Schmide-Zouft und ganz bsunders am damaligi Zouftmeischer und em ZZZ-Delegierte hüt na herzlich dankbar für die gross Understützig wo mir vo Eu bi eusere Gründig übercho händ. De Zouftmeischer, d'Vorsteher und Zöiffter vo Schwamedinge freued sich drum riesig, wänn Sie, Herr Zouftmeischer, mit Ihrem Begleiter am Martinimahl im Herbscht zu eus uf d'Stube chömed.

(Nachher dem Zunftmeister ein Päcklein mit "Schwamedingerli" übergeben)

---

Bitte am Montag, den 21. April 1986, um ca. 11.30 Uhr im Restaurant Du Pont die "Schwamedingerli" abholen.

9.4.86 WAR/uk



Kinderdelegation Sechseläuten 1986

Teilnehmer: Pascal Grünig                    Leitung: Frau Ferrante  
              Roland Krebs  
              Claudia Dütschler  
              Catherine Dütschler

---

Zunft Witikon:     Hotel Schweizerhof,  
                          Bahnhofplatz 7, 8001 Zürich

Hochgeachtete Herr Zouftmeischer,  
Sehr verehrti Herre Vorsteher, Zöiffter, Ehregescht und  
Gescht,

De Zouftmeischer, d'Vorsteher und Zöiffter vo de Zouft Schwa-  
medinge wöisched Ihne allne es untrüebts Sächsilüüte und en  
glungne Umritt ums Füür hüt zabig.

D'Schwamedinger möchtet Ihne nomal ganz herzlich danke für  
die grossi und schöni Wappeschiibe wo Sie s'letscht Jahr bi  
Ihrem Bsuech uf eusere Stube eus zum 10-jährige Jubiläum  
gschänkt händ. Mir hoffed, dass Sie, Herr Zouftmeischer,  
bald emal werded bi eus als Ehregascht amene Martinimahl  
derbi si.

Ganz speziell möchtet mer Ihne, Herr Zouftmeischer, no gra-  
tuliere: Ab hüt isch euse bisherigi Zouftmeischer, de Anton  
Steiner, Ehrezouftmeischer i eusere Zouft. Da demit sind Sie  
ab hüt de einzigi Gründigszouftmeischer i der ganze Stadt  
Züri, wo no im Amt isch. Mer hoffed, dass Sie die Ehr no lang  
werded chönne gnüsse.

(Nachher dem Zunftmeister ein Päcklein mit "Schwamedingerli"  
übergeben).

---

Bitte am Montag, den 21. April 1986, ca. 11.30 Uhr im  
Restaurant Du Pont die "Schwamedingerli" abholen.

Kinderdelegation Sechseläuten 1986

Teilnehmer: Mark Roth  
Urs Schmid  
Miriam Jokl

Leitung: Frau Bühler

---

Zunft zur Letzi: Restaurant Zum Turm  
Obere Zäune 19/Napfplatz, 8001 Zürich

Hochgeachteti Herre Ehrezouftmeischter und Zouftmeischter,  
Sehr verehrti Herre Vorsteher, Zöiffter, Ehregescht und  
Gescht,

De Zouftmeischter, d'Vorsteher und Zöiffter vo de Zouft Schwa-  
medinge wöisched Ihne allne es untrüebts Sächsilüüte und en  
glungne Umritt ums Füür hüt zabig.

D'Schwamedinger möchtet Ihne nomal ganz herzlich danke für de  
schöni und gedigeni Summer-Bott, wos s'letscht Jahr händ  
dörfe in dem schöne Lokal bi Ihne erlebe. D'Schwamedinger  
werded no lang dra dänke und hoffed, dass au Sie bald emal bi  
de Schwamedinger i der einfache Stube werded en Bsuech  
mache.

Ganz en bsundere Gruess schiked Ihne de Anton Steiner, euse  
neu Ehrezouftmeischter, und de Werner Rechsteiner, euse neu  
Zouftmeischter. Si danked Ihne für die gross Understützig wos  
vo de Letzi i de Gründerjahre übercho händ und für die schöne  
Beziehige, wo zu Ihrer Zouft sither bestönd. Sie hoffed, dass  
das au in Zuekunft so wird wiiterga.

(Nachher dem Zunftmeister ein Päcklein mit "Schwamedingerli"  
übergeben)

---

Bitte am Montag, den 21. April 1986, um ca. 11.30 Uhr im  
Restaurant Du Pont die "Schwamedingerli" abholen.

9.4.86 WAR/uk

ZUNFT SCHWAMENDINGEN

Kinderdelegation Sechseläuten 1986

Teilnehmer: Stefan Zwahlen  
Jacqueline Zwahlen  
Roger Pristernik  
Thomas Pristernik

Leitung: Frä. E. Akermann

---

Zunft St. Niklaus: Restaurant Sternen Oerlikon  
Schaffhauserstrasse 335/Franklinstr. 1  
8050 Zürich

Hochgeachtete Herr Ehrezouftmeischer und Zouftmeischer,  
Sehr verehrti Herre Vorsteher, Zöiffter, Ehregescht und  
Gescht,

De Zouftmeischer, d'Vorsteher und Zöiffter vo de Zouft Schwamedinge wöisched Ihne als eusere Nachbar- und Göttizouft es untrüebts Sächsilüüte. Mir Schwamedinger händ a grossi Freud gha, dass Sie, Herr Zouftmeischer, mit Ihrne Vorsteher s'letscht Jahr a euses 10-jährig Jubiläum cho sind. Mir hoffed, es heb Ihne allne guet gfalle und es gebi bald wider emal Glägeheit, gmeinsam es schöns Fäscht z'fiire.

Ganz bsunderi Grüess schickt Ihne euse neu Zouftmeischer, de Werner Rechsteiner. Er hofft, dass er bi Ihne au a so gueti Ufnahm werdi finde, wie de Anton Steiner, wo bi eus ab hüt Ehrezouftmeischer isch.

(Nachher dem Zunftmeister ein Päcklein mit "Schwamendingerli" übergeben).

---

Bitte am Montag, den 21. April 1986, um ca. 11.30 Uhr im Restaurant Du Pont die "Schwamendingerli" abholen.

9.4.86 WAR/uk